

मार्निंग डोगरी न्यूज बुलेटिन,

समा. 09.20 Hrs



Headlines

1. मुखमंत्री उमर अब्दुल्ला होंरें पाकिस्तान गी आप्रेशन सिंदूर दा चेता नोआंदे होई खबरदार कीता ऐ जे ओहदी कुसै बी भड़काऊ हरकत दा परता भलेआ पैहले आहला लेखा गै दिता जाहग।
2. जम्मू-कश्मीर पुलसै लश्करे तैयबा दे गिरोह दा भंडाफोड़ करदे होई- आतंकी संगठन दे इक सिरे दे कमांडर सनें 5 लोकें गी गिरफ्तार कीता ऐ- उमर अब्दुल्ला होंरें कारवाई दा सुआगत कीता।
3. उपराज्यपाल मनोज सिन्हा होंरें जम्मू दे रेल हैड कॉम्पलैक्स च जम्मू-कश्मीर बैंक दे रीज़नल बिजनेस सेंटर दा उदघाटन कीता।
4. केन्द्री मंत्री डाक्टर जितेन्द्र सिंह होंरें आखेआ ऐ कि सरकार किशतवाड़ चसोती जनेई कुसै घटना कोला बचने लेई लोड़चदे उपाऽ करै करदी ऐ।
5. ते जम्मू-कश्मीर च अज्ज बी बरखा दे असार- बनिहाल च इक बड्डी पस्सी कारण जम्मू-श्रीनगर राश्ट्रीय जरनैली सिड़क गड़डियें दी आओ-जाई लेई बंद।



CM Pakistan (Byte)

गोआंडी मुख पाकिस्तान गी आप्रेशन सिंदूर दा चेता करांदे होई मुखमंत्री उमर अब्दुल्ला होंरें आखेआ ऐ जे इस्लामाबाद गी लोड़चदा ऐ जे ओह तनोतनी बधाने दे बजाय भारत दे कन्नै रिश्ते सुधारने बक्खी ध्यान देऐ- कीजे ईआं करना गै पाकिस्तान दे हितै च होग। उं'दी एह टिप्पणी पाकिस्तान दे रक्षामंत्री ख्वाजा आसिफ दी उस धमकी दे बाद आई ऐ- जेहदे च ओह कोलकाता पर हमले दी गल्ल आक्खा करदा ऐ। इक समारोह दे बक्ख-बाहरें पत्रकारें कन्नै गल्ल करदे होई मुखमंत्री होंरें आखेआ जे नेह ब्यान जमीनी हकीकत गी नज़रंदाज करदे न ते इंदे कन्नै कोई बी रचनात्मक मकसद हासल नैई होंदा। उमर होंरें आखेआ जे पाकिस्तान गी एह नैई भुल्लना लोड़चदा ऐ जे आप्रेशन सिंदूर अजें खत्म नैई होए दा ते उकसावे आली कुसै बी हरकत दा उयै नतीजा होग जेहड़ा पैहले होआ हा। उमर होंरें आखेआ.....(बाईट)



CM LeT (Byte)

जम्मू-कश्मीर पुलसै लशकरे तैयबा दे इक बड्डे गिरोह दा भंडाफोड़ करदे होई 5 लोकें गी गिरफ्तार कीता ऐ- जिंदे च इस संगठन दा इक सिरे दा कमांडर ते दंऊ पाकिस्तानी बसनीक बी शामिल न। मुखमंत्रि उमर अब्दुल्ला होरें पुलसै दी इस कार्रवाई दा सुआगत कीता ऐ- पर कन्नै गै सुरक्षा खामिएं पर बी सोआल पुट्टे न जे किस चाल्ली इन्नी सुरक्षा दे बावजूद बी एह आतंकी स्हाड़े देशै अंदर बड़ियै अपनियां गतिविधियां चला करदे न। पत्रकारें कन्नै गल्ल करदे होई मुखमंत्रि होरें आखेआ जे एल्लै सुरक्षा ते निगरानी गी बधाने दी लोड़ ऐ ते जित्थे कुतै बी कोई कमी खामी ऐ उसी तौले दूर करना लोड़चदा कीजे इस चाल्ली दे गिरोह दा पता लग्गने दा मतलब एह ऐ कि कुतै नां कुतै कमी खामी जरूर ऐ। उनें आखेआ.....(बाईट)



LG- JK Bank (Byte)

लैफ्टिनेंट गवर्नर मनोज सिन्हा होरें कल जम्मू दे रेल हैड कॉम्पलैक्स च जम्मू-कश्मीर बैंक दे नमें खेडरे गेदे इलाकाई कारोबार आले Regional Business सेंटर दा कल उदघाटन कीता। इस केन्द्र दा मकसद बैंक दे कम्मकाजी ढांचे गी मज़बूत करना ते समूलचे प्रदेश च गाहकें गी माली सेवाएं दी दस्तयाबी मती बेहतर बनाना ऐ। इस मौके पर बोलदे होई जम्मू-कश्मीर बैंक दे MD ते CEO अमिताब चैटर्जी होरें आखेआ जे एह केन्द्र- सेवाएं दी दस्तयाबी च सुधार दे कन्नो-कन्नी जम्मू-कश्मीर च पूरे-पराते आर्थिक विकास च बी अपना योगदान देग। उनें आखेआ.....(बाईट)



CM Talab Tillo (Byte)

मुखमंत्रि उमर अब्दुल्ला होरें कल जम्मू दे तलाब-तिल्लो इलाके च फुल्ले दी काशत ते सब्जिएं दी रड़ लेई सेंटर फॉर एक्सीलेंस इंटरप्रेन्योरेशिप दा उदघाटन कीता। एहदा नीह पत्थर मुखमंत्रि हुंदे आसेआ 4 अगस्त 2025 गी रखेआ गेआ हा। एहदा मकसद इनें विशेष किस्में दिएं सब्जिएं ते फुल्लें दी रड़ बारे उपलब्धता गी बढ़ावा देना ऐ। प्रिंसीशन सब्जियां उन्नत किस्में दियां ओ सब्जियां हुंदियां न- जिनेंगी नमी तकनीक- नमें उपाएं ते साईसी ढंगै नै तयार करियै मता मयारी ते मता झाड़ देने आहले गुणे कन्नै लैस कीता जंदा ऐ। इस चाल्ली तयार सब्जिएं ते फुल्लें गी स्मार्ट वेजीटेबल ते स्मार्ट फलार बी आखेआ जंदा ऐ। इस केन्द्र दे खुलने कन्नै मते-

मते नोजवान उद्यमि इत बक्खी आकर्षत होगन ते उने'गी साल भर झाड़ देने आहली फसलें बारे जानकारी ते सिखलाई दिती जाहग- जेहदे नै उने'गी बेहतर औंदन हासल होग। इस मौके मुखमंत्री हों HADP स्कीम दे तैहत लाभार्थियें गी मंजूरी आहले पत्र बी सोंपे ते आखेआ.....(बाईट)



MoS Kishtwar (Byte)

केन्द्री मंत्री डाक्टर जीतेन्द्र सिंह हों आखेआ ऐ जे किशतवाड़ च चिशौती जनेही घटनाएं गी रोकने लेई भारत सरकार बड़ी संजीदगी कन्ने गैही पुट्टा करदी ऐ ते आपदाएं कन्ने निब्बड़ने दिएं त्यारियें गी तगड़ा बनाने बक्खी चेचा ध्यान दिता जा'रदा ऐ। डाक्टर सिंह हों कल लाई गेदी "दिशा" बैठक दरान एह टिप्पणी कीती- जेहदे च किशतवाड़ जिले कन्ने सरबंधत महत्वपूर्ण विकास प्रस्तावें दी समीक्षा कीती गई। मंत्री हों इक स्थाई केन्द्र खडेरने दिएं योजनाएं दा ऐलान कीता- जेहड़ा भूंचाल दी निगरानी आले सरिस्ते गी तगड़ा बनाग। उ'ने इब्बी आखेआ जे मौसम दी पेशगोई आले इक आटोमेटिक सरिस्ते सनें होर बी केई हीलें कीता गे न। उ'ने आखेआ.....(बाईट)



Rana Mendhar

जनजाती मामलें दे मंत्री जावेद अहमद राणा हों मेंटर हलके च कल केई विकास परियोजनाएं दा उदघाटन कीता ते केई प्रोजैक्टें दा नीह पत्थर बी रक्खेआ। इंदा मकसद जरुरी सेवाएं सनें सम्पर्क सरिस्ते च सुधार ते खिते दे समाजी-आर्थिक विकास गी बढ़ावा देना ऐ। मंत्री हों सार्वजनिक बंड प्रणाली गी तगड़ा बनाने लई अन्नदाने दे भंडारण आली इक नमी इमारत ते कुड़िएं लेई 100 बिस्तरें दी समर्थ आले इक नमें होस्टल दा बी उदघाटन कीता।



CS Meeting

मुख सचिव अटल अटल हों भवन ते शैहरी विकास मैहकमे दी इक बैठक दी अध्यक्षता करदे होई जम्मू-कश्मीर च महत्वपूर्ण शैहरी स्कीमें दी प्रगति दा जायजा लैता। बैठका च स्वच्छ भारत मिशन- प्रधानमंत्री शैहरी आवास योजना- डे-नल्म शैहरी जनेइएं स्कीमें बारे तफसीली

जानकारी हासल कीती गई जिंदे तैहत मुख ध्यान स्वच्छता- घरें मकानें दे निर्माण- कचरा प्रबंधन ते आजीविका सृजन पर दिता गेदा ऐ। अधिकारियें जानकारी दिती कि ढाई लख कोला मते शैहरी गरीबें गी समाजी सुरक्षा स्कीमें तैहत आंदा गेआ ऐ। मुख सचिव होरें इनें परियोजनाएं गी तेजिया कन्ने तोढ़ चाढ़ने दा निर्देश दिता ते मोमी लफाफे दे इस्तमाल गी रोकने लेई लोकें च जागरुकता पैदा करने पर बी जोर दिता गेआ। प्लास्टिक चलान गितै सिंगल विंडो यानि इक्के थाहर सुविधा उपलब्ध कराने दी सेवा दी बी शुरुआत कीती गई।

<><><><><><>

Rain-Highway (Bytes-2)

जम्मू प्रांतै दे मते सारे इलाकें च कल बड्डलै थमां लेइयै हूने तगर तेज कोला दरम्याने दर्जे दी बरखा पेई ऐ। मौसम विभाग नै अज्ज शामी तगर इयै सिलसिला जारी रौहने दे असार दस्से दे न। मौसम विभाग दा आखना ऐ जे उप्परले प्हाड़ी इलाकें च इस दौरान बर्फबारी बी होई सकदी ऐ। मौसम विभाग दे डरैक्टर मुख्तार अहमद होरें इस बारे जानकारी दिंदे होई आखेआ.....(बाईट)

तोंआई बनिहाल च इक पस्सी पेदी होने कारण जम्मू श्रीनगर राश्ट्रीय जरनैली सिड़क NH-44 गड़डियें दी आओ-जाई लेई बंद ऐ। प्रशासन नै लोकें गी आखेआ ऐ कि ओ अगले निर्देशों कोला पैहले जरनैली सिड़कें पर सफर नैई करन। होर मती जानकारी देआ'रदे न SSP ट्रैफिक (Highway) राजा आदिल हामिद गनेई.....(बाईट)

<><><><><><>